

कहीब, थेछ्याँब, केललखाँब त्होकोब न्हेपाल बनिबा ल्हागिर डिए बिबताँ,
आक्हीब, केआयाँब नि ह्योकेलै खाँल्लब ल्हागिरी "यो म्हीलिदिब" चिन्हरी भोटा च्चोंब

राष्ट्रिय जनमुक्ति पार्टी

(RASTRIYA JANAMUKTI PARTY)



चुनाब चिन्ह 'यो म्हीलिदिब'

प्रतिनिधि सभै भोटा - २०८२

म्हीमैलै बिबा लफ्ही (गुरुङ्ग भाषा)

राष्ट्रिय जनमुक्ति पार्टी

केन्द्रीय प्रकाशन विभाग

janamukti48@gmail.com

Facebook.com/janamukti, Twitter.com/janamukti

www.facebook.com/Rastriya Janamukti Party

www.janamukti.org

तन आत आली नि आन आडमै ।

२०८२ फागुन २१ गतेइ ल्हागिर तउ तब प्रतिनिधि सभाइ भोटै बारेरी तान न्हेपालीमै ताँसे नि के पुर लबा त्ही खेमो । न्हेपाललै क्हीब,थेछ्याँब, केलल्खाँब त्होकोब ह्युल क्रीर् फैंब पोंब ह्युलै रुपरी थेछ्याँलब सैं नोइर ३६ वर्ष आँसो केव राष्ट्रिय जनमुक्ति पार्टीइ तर्फउले चु भोटरी भोटै ताँबि लफ्हीइ रुपरी चु म्हीमैलै बिबा लफ्ही भइर खेमो । ह्योसै म्हीइ सैंर मैइर छ्याँब के लबा ल्हागिर सैं नि लद बिरम ।

१) ह्युल ख्योँ थेछ्याँब तम ?

खौ ह्युल थेछ्याँब तान भन्दा ओसोँ ताँ ह्युल क्हीब नि क्वैबा गो । ल्ह क्हयुइ,ल्हे क्युइ ,ल्हे छ्याँ नि ल्हेधर्म तबा ह्युल तवा लमनी न्हेपालरी “तान क्री तान थेछ्याँब” बिबा क्री ताँ नोबा लके चैदिइमो । च के पुर लबर त्यो शर्त पूरा गर्ने संघीय लोकतान्त्रिक म्हयोब ल्हागिर डी सैनोमु ।

२) त्होकोबा संघिय मोडल छ्याँब मो ?

न्हेपालरी थेछ्याँब नि ह्युल क्रीइ राजनितिक ताँ भवो पार्टी राष्ट्रिय जनमुक्ति पार्टी डिबा गो । संघीयताइ थेबा ताँथेव नि बिबाम्ही तवा लमनी डि तो बिम बिस्याँ संविधान-२०७२ अै नोबो संघीय मोडल न्होब मो । धै ह्युल लै ताँ बिबा खालर्बा तल अ्हाखाइमो । च दश बर्षइ केलमनी प्रोल खाँइमो । छ्तैर पोंब ह्युल फेरिनलबा आयोग बनीइर चलै बिबा अनुसार संघीय मोडलरी ह्याल तुम चुरी डी लल्खामो ।

३) सीधन केलल्खाँब चैदिमु ?

न्हेपाल क्री ल्हेके समाज मबा ह्युल गो । छ्तैर यसैले केन्द्रीय तहरी खौ क्री म्ही राष्ट्रपति तबा व्यवस्था भन्दन कुनै एक व्यक्ति राष्ट्रपति रहने व्यवस्था भन्दा क्लस्टर तवा राष्ट्रपति मण्डल छ्याँब तम चलै संसदै चुनिम । केलबा प्रधानमन्त्री हुइलेन चुनिबा , मन्त्री मण्डल सांसद नि सांसद आतबा लल खाँबा व्यवस्था छ्याँब तम । छाइलेन प्रदेश तहरी नि मुख्यमन्त्रीइ सीदा चुनिबा छ्याँब तम । डी चै ल्हागिर म्हादिव के लबरी खामु ।

४) ह्योब सैले खाँल्लबा ?

न्हेपालरी आछ्याँब शासन,क्याँब,केआयोबा ख्याउम्ही नि म्हीमै पैरु ह्युल ह्याबा त्हीइ तानभन्दा थेब ह्योबा डीबा बिबरी डी तान ताँ क्होइमो । दैलेनी ह्योब ल्हेन ल्हेन बडिबा नि सोँदा तम्दै ह्याँ न्हुँ ताँ मो । चलै खाँल्लबरी ह्योबा बिरुदरी ताँक्री सैंक्री तैर ह्युल केक्याँ लैर थेक्याँ लल तुम । खि फीउ कुनुन ह्योरोलै आर्थिक नि नैतिक आछ्याँके अ्हाडी,ह्युल न्होब अपराद डिबा धै ह्योके देलबा अ् हाडी खाँल्लल तुवा ह्युल केक्याँ तलतुम नि जन्तै हुँइन २०७६ जेठ १५ उले ह्योबाके बिरुदरी ह्युल के लम्नी खबा राष्ट्रिय जनमुक्ति पार्टीइ खीइ शासनै डाउलो बर्षइ न्होरी ह्योरो आतव ताँ जन्तै हुँइन बिम्दै खेमो । त्होको सम्मन तान ह्योरो केदग खाँल्लबा ह्योरोलै ह्युलन्होबा बिम्दै नि चमै ह्योखु

हयुलै मिरी लबा ताँरी डी बिइमों ।

५) हयुल्लै उद्योगीकरण सैले खाँम ?

नेपाललै औद्योगिकरणे जुगरी भुवा सैं नि बिबाताँ डीइ विइमों । धै औद्योगिकरणे डिइ ह्योसै पारिबन तरम । न्हेपालरन योंबा कच्चा पदार्थरी केलमदै थेबा छोइ थेछ्याँब डिई ओसोब के तम । पैरु भुवा थेवा छोइ न्हुर ज्हांबा सैंपिंबा नि सुरक्षा ल्हमिम । हयुल चैदिवा अनूसारै सी तेवा धै कच्चा पदार्थ भलतुवा त्हीरी थेवा भन्सार सुविधा पिरम । ह्योसके नि भुलखाँवा थेबाछोंलै थेछ्याँब ल्हागिर डी के लमं ।

६) मुइ म्हुवोंबा व्यवस्था नि हयुल पैरु छे सठबधी सैब केक्याँ किँबा ?

नेपालरी तान कल्हयोरी मुइ म्हुवोंबा नि भ्योबै ल्हागिर हयुल पैरु छे भवा केइ हयुललै ल्हे न्हो बा लिउइ भुदिइमो । त्हारे आफिबा के निरो भ्योबा केइ ल्हागिर हयुल पैरु छे के लै आलबा तैमो । फिबाके निरो भिंबा केदगै ल्हागिरी सरकार केलबा नि म्हीइ सि ल्हाइदिवा मबा सोउलो ह्यो प्रणालीइ मोडल ल्हाइदिवर डी सैं थेइमो ।

७) केयोँ नि न्हुर कुलवा बारेरी तोलवा ?

केयोँबा ल्हागिरी हयुल न हयुल पैरुइ बिकल्पलै क्रीन रुपरी थेछ्याँब लमो । हयुल पैरुइब के लबा केइ ह्वा म्हीइ सैंछ्याँब नि म्हीइ सुरक्षै खैलेन लमो । चै ल्हागिर हयुलैन ताँबीबा लबा के तरम । ल्हाइदिवा लोभ नि आकहोबा परिसी हयुल केलबरी भुवा केलै थेवा अपराद बिमदै च अनूसार सजैँ भिंवा के लम । पैरुले खवा न्हुरलै हयुलै छ्याँके थेछ्याँबरी होंबा बारेरी ल्हेकहीबा केक्याँ किंरम । हयुलै खौ कल्होउले न्हेपाली म्हीइ सैंथेवा खाँइर आक्रहीबा नि आम्हादिव जोवन सोल्परिवा अवस्था आखल्लबा ल्हागिर डी सैर थेमु ।

८) नागरिकता सोँदा सैब तलतुम ?

खौ हयुलर मलेन पनि न्हेपाली नागरिकता थेंलयोल तुम । ह्योसैइन खिइ नागरिकता पिइ बिस्या बाइक खौ न्हेपालीइ नागरिकता खारेज लल आत । वंशजै आधाररी न्हेपाली नागरिकतै हक थेंवा मबा ल्हागिर डी सैर थेमुं ।

९) संविधान फेरिन प्हील परिम की आपरी ?

नेपालै संविधान-२०७२ री ल्हे आछ्याँबदग ल्हे मो । तर संविधानै भ्योब नि अकों खौ अन्तरिम संविधान म्हेबा छ्याँब हयुल क्योँ अहाडी । च्योने खालरुब नि सम्बैधानिक केलै क्हील्लबा केइ मात्रन के आतवा क्हीन्ड्यान गो । छतैर डिइ संविधान भवा सेरेन रिबा ताँ संविधानलै फेरिन प्हीब चुर मैलतुवा लैमो । संविधानै भिंवा लवा केदगलै म्हादिमदै आकहीबालै भ्योँसी छुटिवा थेवा ताँदगलै कोँइर संविधानलै हयुलक्रीइ सी बनिवरी राजनैतिक क्योँ बिबा संविधानलै फेरिन प्हीबा गो । चै ल्हागिरी हयुलै राजनैतिक क्हीब आधाररी हुइ ह्याल खाँम बिबरी डि क्हीोबा मो नि चरी डिइ इमान्दार

प्रयास तरम बिबा ताँ बिरम ।

१०) डीइ बिबा ताँ

प्रतिनिधि सभाइ भोटा - २०८२ इ त्ही पारिइर सन्दर्भ पारेर राष्ट्रिय जनमुक्ति पार्टीइ तर्फउले न्हे पाली म्हीमैनी ताँलल इहाबा थेबा ताँ भोको चुन गो । राष्ट्रिय जनमुक्ति पार्टी बिबा ०४७ री केइर २०४८ बा ओंसो संसदीय भोटउले त्होको सम्मन ल्हेदिदिइबा क्की क्कोबा नि वारबा राजनैतिक दल तवा लमनी चुइ तान भोटरी खिइ लबके जन्तै हुँइरी थेम्दै खेमो । डी चु भोटरी चु भन्दा ओंसोब तान ह्युल भोटर्दु राष्ट्रिय जनमुक्ति पार्टीइ तर्फउले जन्तै हुँइरी थेबा ताँदग खासन प्रतिनिधि सभाइ भोट २०७९ इ थेबाताँ री बिबा खिइताँदगैन फेरिन बिरमु ।

फेरिन चु म्हीलै थेबा लफ्हीउले बिम्दै डिइ प्रोबा अन्सारैबा ह्युलताँरी तानै हुँइरी ताँछो लबा के बिबरी नि खिइ जन्तै के पुर लवरी डि थेवा ताँ लमु । न्हेपाली म्हीमै त्होकोब भोटरी “यो म्हीलिदिव” चिन्हरी भोट च्चोंइर सदन निरो सरकारी धै चैदिवा अन्सार क्क्याँरदेन खिलै पोल्ले जन्तै पहरेदारै रुपरी हुँइ भुवा सै थेरम ।

२०८२ माघ १६ गते (शहीद दिवस) ।

२०८२ माघ १६ गते (शहीद दिवस) ।



टोप अस्लामी
(महासचिव)



केशव सूर्यवंशी
(अध्यक्ष)